



韓江雅集卷七

漢首山宮銅雁足鐙歌為嶰谷半查賦

繫下銘

元年護為內者造銅雁足鐙重四斤十二兩護武壘夫霸掾廣漢主右丞賞守令糜護工衣史不禁首山宮內者第廿五受內者

鄭江

漢承秦弊崇淫祀赤帝肇興增北峙諸布諸嚴列羣望  
小鬼紛々何足紀滿壇列火燦如星燭天共仰神光美  
名山有三首山一廢懸之禮同太室相傳黃帝嘗巡遊  
武宣以來所咸秩竹宮望拜萬炬明何假藜光然太乙  
扶陽作相秉儒術祀典頗正前皇失匈奴上游來獸人



壯髮鉅公因遘疾鯁生歸咎羣祀廢改元竟寧祈叶吉  
祠官墜典盡復興范銅重鑄雁足鐙將以然脂照肝蠶  
從此第祿如川增中官勒名謹監護明禋肅之咸祇承  
鐙成未必躬享獻俄頃龍輻入渭陵首山本是鑄鼎所  
鼎成龍馭亦上升此物流傳到今世土花剝蝕寒光凝  
淫祀無福有左券竟寧往事宜為徵

程夢星

竟寧元年西漢時銅鐙雁足鐙銘詞厥數四斤十二兩  
下距方撫上重規監鑄護武畚夫霸王丞賞守令糜  
掾廣漢與史不禁更有護工其名衣護為內者受內者

列次二十第五枝維昔武帝尚祝祭上林首建神君祠  
宣帝時復修故事亦建四祠於膚施元帝即位遵舊儀  
首山采鑄容有之竊怪園寢廢廟享夢中譴責生憂思  
祖宗鉅典屢罷復紛之崇祀夫何為碧雞金馬香難致  
空續短脛同鳧鷖一鐙小物那足重是誰寶護完無虧  
馬君兄弟雅好古百金購買藏書惟五十一字猶可辨  
二字剝蝕姑闕疑不惟其器惟其制古人創造殊精奇  
當時然膏肅午夜齋宮想見通靈祇小窓篝火檢漢志  
彷彿如與神仙期

馬曰瑄

韓江雅集卷七  
漢帝竟寧之元年呼韓單于稽首前鄉禮慕義願保塞  
從此天子毋防邊帝因賜爵傳三輔寢廟寢園還故土  
首山銅鑄首山鐙猶照鼎書翳復吐齋宮權火光燭天  
破鏡臬鳥隨飛煙象形鎔范定儒士蹠足陽烏薦吉蠲  
憶昔效靈來五色西河世廟矯雙翼冰弦瑤瑟踵甘泉  
元酒陶匏牲繭粟慶雲清影未移辰未央宮瓦潛酸辛  
蛭脂幾見華槃膩蠟淚俄驚甲觀新電抹星移二千載  
硃碧沉埋出精彩祠官姓字細如絲鳥跡蠶文留篆楷  
老我眇昏眎若無摩挲古物媿空踈秋窓試聽賓鴻過  
一點缸花認番夫

厲鷄

蒲阪首山青逶迤黃帝鼎成龍胡垂戰且學仙事絕竒  
茂陵劉郎始祝釐流傳奕葉敷書詩猶崇祀典敬雲楣  
妍娥無姘夕侍祠金缸如虹摻手携望靈之來月出時  
神光下屬風披帷翩然而逝不可期勞心悄兮煎蛭脂  
陰精沙蘆祚始衰效祥安得齋房芝後代蛤彩瑩瓊肌  
不照綠綈方底兒此鐙行第人見之細數瑤瑟彈冰絲  
銘字儼如沙畫錐內者番夫掾丞今年是竟寧嗟已竟  
制噐尚象古示倣隨陽有序亦天性銅花涵碧秋水淨  
雅勝羊頭與鳳柄夜涼可親宜放鄭千年紉史寄閑評

君家自發短檠詠

張世進

曩讀山谷與友書製鐙欲彷彿足模遺規云出漢宣季  
舊式曾見考古圖馬君好奇得其一寶惜無異璫與璆  
閑招朋好競傳玩置身宛在西漢初造成實自孝元代  
銘字鑿之無模糊漢家裡神例用此兩朝鑄作應弗殊  
高靈館中昔陳設曾照祝宰奔羣巫竟寧改元祇半載  
器成帝已升鼎湖齋宮備物祈壽考寧知禱祀終成虛  
於今不作祠祭用八夜常伴文史娛秋窓嗽之淒響過  
寒焰耿之清宵孤若亭恍覩拳足鷺蹙縮儼對短脰鳧

當年並列若鴻序此際獨立成雁奴世間萬物有聚散  
煙雲過眼言非誣雪泥指爪偶留得宵隨短檠拋墻隅

趙昱

古器盤薄存形模席彛擬周雖敦虞何來雁鐙遺制異  
土花綠蝕延單跗竟寧紀年自漢代銘刻字畫雜繆及  
首山之銅良可采昆田珎物來神區當時用之致齋後  
幽宮燐之昭軀媵今也摩挲列几席一鐙還與無盡俱  
似我眇昏等魚目獨憐背檠明雪顛憑空結寫為覓句  
難描秋菌工春蒲遙羨紛之門雅什考古作繪旋成圖

丁敬

石漬土膠綠青赤銅魄銅魂已消釋短檠蠹未一尺  
蹊足鑄翻沙上跡循檠細銘好摩挲端匾聯綿勢道迫  
整夫怒者竟寧字傾城恰為呼韓置受鐙內者是何人  
親見尤應涕滂泗火德尋為袖水消倦燼寧勞劫風碎  
首山靈瑣莽蒿萊觸醜噓焰碧於苔大風不埽愁雲開  
雲中赤帝空徘徊三輔黃圖首山宮武帝夢形模莫便  
啗偏隻一足曾揚子卿節斗酒高燒讀漢書定有餘光  
出東壁

方士處

首山遺器苔花青短距兀立光亭之取象於物肖厥形

隨陽爪印寒沙汀輪廓圓整周以銘建昭之未更竟寧  
四斤有羨兩有零數符夜月彈湘靈維帝用饗青瑩  
布如碁局羅有星吉蠲為饕陳苾馨神其陟降雲中駟  
罡風陣斷行鈴蜺鶴辭華表鵬飛溟守器不失嗟挈併  
一夔璫峙墻隅腥神物之來誰使令幽紅熠耀雲母屏  
光騰絳帳傳遺經用代映雪兼囊螢彷彿夜色燎在庭  
著書與爾垂千齡

馬曰璐

炎漢鐙檠二十五想見神壇照風雨秀華細錯首山銅  
未入歐陽一家譜集古字遺西漢前丹陽裴守搜荒煙

摹來雁足鐙銘古榮宮造自黃龍年何如吾家曩所得  
自昔曾無弋人弋瓜皮綠活土花鮮蠶尾蠶頭月半蝕  
銘文緣槃初疑槃仿蓮勺形亦漢蓮勺爐銘既認趾同鳧之半故云  
躓青老眼觀書夜行燭年彌依稀辨竟寧竟寧年間屢  
郊時火續燈傳接芳苾麟鬚難以拂霜蛾零落蛻膏與  
鳳髓不將歌舞挂樓頭曲柄須煩黨伯舟皎然細炷輝  
齋壁浙爾涼風裊素秋墮葉紛々窓戶裏似有哀鴻拍  
秋水炎光銷盡一咨嗟開闔殘螢竹閒起

杭世駿

名山八所青岬堪五在中國蠻夷三首山銅出光蔚藍

太乙裝炭龍下探羸顛項蹶六合龕如金裁宇崖谷鑿  
倒茄狎獵夕景含竟寧親祠泰時南萬靈集會接珮簪  
颯然風動聞紗翕銅槃燄々燭正燁青檀劖髓蛻吐舐  
千枝紅匝影互參就中行次立可搯陽鳥歛翼意小慙  
翹足企厲不得趨兩不滿百力任擔鐫寫古銘如細蠶  
幸不蝸蝕飽蠹蟬五十一字名號覃護工衣史官孰諳  
證漢禮器口閉蚶遠父淹洽面發醢藉此補史如問郊  
至寶閱卣方壽聃樸古不厭貪夫貪馬兄易以金一甌  
三冬漁獵隨行莽細然蠟鳳照玉函土花青映柏子潭  
恰與異士鑿苦甘漢家郊祀志嬰姸風臺鬼道張怪談

奉時獨有元皇堪齋宮棧齧換夕嵐是鐙親迓玉輅駢  
勸君慎勿供宴湛議禮毋對匡貢慚

陳章

銅仙辭漢無留跡折斷金莖土花碧雁起圓沙雙復隻  
曾備祠宮照瑤席抉剔細篆竟寧年呂氏薛氏未覩焉  
當時黃帝采山處訾黃不下心煩悞瓊臺玉宇何欺々  
蘭膏爭耀燒雲嵐豈知甲觀釀袖水火德欲滅誰能參  
衆媻成行綽竒廉綵縹香桂風細々景吐丹霞四射時  
不愁月沒光能替陵谷遷移何處得一足獨翹秋雨色  
羨君好古癖搜羅亦似冥々弋人弋

閔華

漢代製物備禮儀要佐燿燎通神祇無足曰鐙有足錠  
厥器命名毋乃違神爵年見五色雁得非鑄象為之祠  
嗣主守文亦繼造上紀職某其名誰次第若破素女瑟  
字畫尚法秦相碑想因罷廟被靈譴亟令內者更鑄為  
當時列炬祀午夜韋匡貢薛紛相隨千官行序儼鵠立  
光熊々閃飄鸞旂氤氳香屑撒滿地至誠上格龍髯垂  
豈知此鐙二千載土花碧蝕光陸離幾番顯晦閱人世  
真似爪跡飛鴻遺首山之宮已無有首山之銅今在茲  
炎精銷歇剩短檠清光冷射詩人帷讀書藉汝眼如月



更攷古篆兼銘辭笈他山谷未經見擬做上林鐙一枝

全祖望

壽寧堂中雁足鐙依希題字漢竟寧誰其造者紛列名  
稽百官志官可徵漸磐遵陸雖不勝猶帶首山雲空青  
當年茂陵慕軒后脫屣妻子思飛行八神五帝各致祭  
直自蒲隰連蓬瀛歷昭及宣莫敢替晉巫領之薦明馨  
橋山龍髯渺何處溯以雁足杳冥々貯望烏蹄下太清  
赤符之火天不夜鷄鳥有味噦中星鳳膏燭與魚膏并  
夜深軒后来陟降鉅庶神人遵神旌徂賚天子且長生  
豈知紀年讖已成嗣皇燕尾啄傾城新都巨君奏蛙聲

可憐雁足趺莫撐誰為高廟嘘炎精何況首山之荒庭  
劫灰已盡邀呵護飛落淮南雙翮零山館書籤侔七畧  
太乙藜照來五更古銅潛發光熒々哦詩弗類齋宮銘  
笑拍雪泥爪印橫

趙信

首山銅鉸漢氏遺短檠涵綠光離々槃腹銘篆追秦斯  
示我百讀口囁唵雁足蹊連無危躋竟寧元紀內者治  
當年陳列齋清祠古器等量輕重夷斷然不爽銖與錙  
五鳳鑪式應類茲信哉漢物夫奚疑吾友半槎寶鼎彝  
獲此尤愛形模奇廣陵雅事酬歌詩招邀亦采葑菲辭

我欲乞許俟後期秋堂相對明書帷金錯斑璘勝九枝  
駝頭鳳腦殊妍媸曾聞山谷意仿為鎔錫製巧尺寸宜  
惜不於今一見之淳樸定慙高人思容與摩挲感盛衰  
鐙乎鐙乎千古垂涓陵不照徒嗟咨

張四科

君不見穆王鳳腦冰荷覆八駿西馳渺難覩又不見秦  
庭青玉雕五枝咸陽一炬靡子遺百二金枝照宮掖駝  
頭螭口無遺跡幸得冥之隻影留數比湘靈瑟初擘當  
時鑄近黃帝祠守受內者為專司一拳巧像陽鳥足仿  
彿蘆汀立雨時考古之圖曾濶覽規矩形模猶可鑿那

知繼造亦有人首山宮非上林監想當神爵鑄成初玉  
殿清宵故劍俱弓繳纒羅窮海羽自剪釭花展帛書竟  
寧元以句奴易遂令君王輕國色長門深夜熱蛭胎嘹  
唳聲中自悲惜此鐙雖小閱蒼涼遠使遠嫁俱可傷自  
墮劫灰無覓處却入詩人絳帳菊詩人詩史千鐙續更  
占柳家兄弟目銘辭拓成蟬翼輕土花洗出鸚哥綠懿  
此癡頑蒲阪銅寶之好擬烏弮弓何妨千載光華再繼  
晷焚膏夜相對范之往事似飛鴻沙上偶然拍爪在

趙一清

有客有客廣陵至春去秋來雁臣似千里書傳風雅編

我一見之發欣喜偶然買得首山銅古鐙製法稱精工  
雲回細縷黝比漆護內者造竟寧中竟寧天下永安寧  
吹簫度曲聞宮庭袖水未幾滅炎火漢家事業從凋零  
太息武皇作法涼神仙太乙祠齋房黃金可成河可塞  
文成五利俱荒唐此器胡獨傳家久豈是天工令鬼守  
當年紀實視銘文按刻更不煩少君短檠今與讀書勤  
永夜奚羨蘭膏焚

戴文燈

赤符運去銅盤徙仙人清淚流如鉛金鳧銀雁出荒塚  
珠簾甲帳隨飛煙閑從西京尋雜記良工巧製紛羅駢

博山之爐尚方鑑鑄匹盞盞刀布錢宣和古圖更縷々  
得者不惜償千緡玲瓏館主耽嗜古索我雁足鐙檠篇  
摩挲歲月畧可識元帝竟寧之元年内者嗇夫掾某々  
銘分小篆形則圜當其范金鑄為器祠祀軒后光熒然  
金釭銜壁四流耀雲壘雕俎同告虔孝元洞簫窳幼眇  
度曲分剞妙極元制器尚象發新意想見秋陣嘹長天  
割來一足炳乙夜神全不必須形全是時明妃已遠嫁  
燈昏無乃傷嬋娟惜々千載發遐想惜哉班侍中不傳  
舟漢寺人不弁政裁供給使無定負厥名內者各有職  
豈若常侍顯威權土花暈碧斑血殷清闕高閣篇章連

招邀更約李少君齊桓栢寢談因緣

初夏行菴同用謝康樂首夏猶清和為起句并  
次其韻

胡期恒

首夏猶清和興來不暇歇晨起步前庭露晞星未沒  
盪岸綸巾蕭々滿華髮念我同志人相思迨明發十日  
不相見何啻三秋月忽聞有嘉招門限踉蹌越僕夫整  
籃輿駕言出城闕惠風清雨餘佳景詎可忽綠葉栖殘  
紅毋令輕剪伐

唐建中

首夏猶清和遊人殊未歇古寺新綠中鶯燕空出沒高  
柯冒晴絲十丈縈一髮行菴何倚々一雨竹萌發踈可  
延清風密不礙明月微籟戛玉琴希聲正清越故躅久  
荒蕪願君補其闕努力崇明德修名非倏忽請看謝家  
樹千載詠勿伐

程夢星

首夏猶清和祗林宿雨歇開軒風與俱轉徑蕪未沒澹  
景濯塵襟幽意入吟髮井梧青乍引園籜綠競發柑酒  
及鶯時桑麻瞻蠶月村歌既清婉梵唱亦踈越聊以隔  
市囂頗足靜心闕但知遊賞佳不覺年歲忽泉石浹膏

育錮疾詎容伐

馬曰琯

首夏猶清和林木雨方歇羣賢欣朗潤賤子苦汨沒瘦  
骨支草衣雙肩承素髮庭樹閱千年逢春依舊發云胡  
老逼人飛鳥送日月吟情既枯澀逸興難超越幾時塵  
物空憇此靜心闕殘磬聲冷々斜陽影忽々悵然撫微  
躬庶以謝天伐

厲鶚

首夏猶清和林風吹不歇高會憶隔年原阜雪中沒及  
茲重連襪流光感齒髮社已灌佛過興為尋詩發虛館

映餘花崇臺佇涼月同心泯幽遐秦吳間楚越懷人期  
未至選勝約寧闕時恬齋宅愛謝公存苑弔隋皇忽澹  
景歸冲襟頤神庶無伐

方士庶

首夏猶清和欣此新雨歇密樹互陰森流鶯頻出沒轉  
憶送春時相距才一髮經眼花易零過墻筍競發不是  
貪盃遊常恐虛歲月結契協宗雷肝膽匪胡越披襟風  
滿林對酒月初闕舊賞渺何處尋幽意恍忽高談窮藝  
林庶幾毋克伐

王濬

首夏猶清和游賞詎易歇憑臨暢遠情目送飛鳥沒朱  
櫻正含脣綠楊亦如髮恢台芳序交軼蕩幽興發不因  
偕素心曷以陶嘉月况當甘澍過霑足遍吳越幽泉溢  
井痕遠岫塞林闕餘英掃地空新筍過墻忽共矢大雅  
音聊亦嚴步伐

方士虔

首夏猶清和風光未消歇麥秀岡壠平雨霽塵埃沒閑  
閑桑柘園光潤類鬢髮高蔭林鳥喧淨淥池荷發閑撫  
石上松坐待天邊月何地無亭館對此欲飛越翻笑簪  
組人心依烏集闕輪蹄日奔馳好景半輕忽勞逸自有

殊毋嗤太矜伐

馬曰璐

首夏猶清和東風吹未歇林陰看漸圓苔痕行就沒百  
草日以長流暉照多髮嗟予如秋蓬當春獨不發撫化  
非昔時踪跡斷累月紆軫與歡悰相視等秦越展對依  
良朋時抱怒馬闕物態本春融予心自飄忽感彼時鳥  
吟毋使天和伐

陳章

首夏猶清和散策遠鐘歇霄澄織雲馳徑微積草沒餘  
藹豔灼眸初篁涼浸髮索居情易頽偕遊興還發棲幽

即深巖摘芳緬昔月流景感蕭哀遙鄉嘆吳越泛川夢  
自繁陟嚙蹤仍闕獲境且少安求聲奚敢忽朋歡期歲  
寒嘉樹保勿伐

閔華

首夏猶清和佳游不暫歇言從江上還未及白日沒嘉  
林開芳宴餘花照華髮况多素心侶能令高興發且持  
故人酒更待今宵月禪棲鐘磬聲隔院度清越吟懷一  
以適樂事庶毋闕黃綺安能期嵇阮詎可忽相與愔忘  
歸城頭鼓初伐

是日游江村始返

洪振珂

首夏猶清和麥寒午未歇窈窕翳陰深穿林時出沒芳  
意衰輕裾冥情搔短髮雞腔自成禁鴨脚相映發遐企  
東山蹤知閱幾年月羣屐共遷延觴咏興飛越掃地結  
香茹芟蕪露石闕幽禽想流轉晴飈坐飄忽詩成步芳  
躅曷敢存誕伐

陸鍾輝

首夏猶清和流鶯聲欲歇花踈蜂尚游苗短鶴未沒微  
風韻松釵涼陰潤石髮茶膏蟾背生火活魚眼發散步  
開昏鐘高吟待華月新詩續大謝舊雨來於越夜擬宿  
珠宮赫香望天闕芳事去堂々幽懷坐忽々塵務幸無

羈輓舉祛攻伐

張四科

首夏猶清和高館衆芳歇緒風林表披深草并眉沒開  
門挹佛香掃塔禮僧髮道心寂歷生天光泰定發歡言  
念儔侶舊事感歲月同心盟不渝初筵禮無越寧比涼  
蟾輝盈々易負闕將歸孤磬催欲下斜陽忽詎宵無所  
營稱詩即功伐

五月十二日集篠園

胡期恒

積雨初晴後鶯花已過時依荷浮密葉嫩籜解孫枝休

夏招嘉客聯吟綴小詩城西富池館惟此愜幽期

唐建中

平安問竹圃蕭散向荷池尚是無花日還當有筍時鳥  
喧陰晻藹魚樂水瀾漪吟賞由來數偏輸此會遲

程夢星

泛艇乘初霽荒園夏景深林藏昨夜雨雲度半湖陰與  
客分磯釣有時穿竹吟更期新月上小閣坐橫琴

馬曰琯

時候黃梅近林亭宿雨晴早荷爭水出晚筍上階生雲  
影過橋斷茶聲隔院清可憐城市客無復此閑情



汪玉樞

陂塘朝雨歇，亂翠潑林邱。放艇乘新漲，支筇覓舊游。荷  
圓初識夏，竹暗早如秋。此地無塵事，斜陽為小留。

厲鶚

虛亭俯煙渚，客到眼初明。沙柳侵天影，風蒲學水聲。醉  
宜搖櫂去，詩向倚闌成。地主饒幽興，留連待月生。

王藻

將近黃梅節，園林未鬱蒸。新荷初貼沼，老麥已空塍。幽  
意水邊得，閑心物外澄。塵埃役者，爭似我儕能。

方士處

郊園饒野趣，乘興此幽尋。老樹深藏迳，新篁嫩結陰。酒  
從林下飲，詩向水邊吟。為愛蕭閑地，朋儕暫盍簪。

馬曰璐

林扉披宿雨，過怯生衣問。訊黃梅近，經年點筆稀。以  
君耽竹趣，邀我坐漁磯。煙水由來勝，無煩別是非。

陳章

閑門涼樹合，小艇碧流通。長夏名園好，清言故友同。竹  
深穿落照，池淺疊微風。荷葉紛披處，還思下釣筒。

閔華

幽意滿湖村，扁舟直到門。柳涼通水檻，竹翠映風軒。默

與魚鳥會閑尋樵牧言所欣入境外歌管靜無喧

陸鍾輝

郊原新雨後眾綠一園齊  
弄舌鶯聲老生仁梅子低  
晴雲吹粉絮野水湛玻璃  
瓊結夏重來此長廊覓舊題

夏至後一日小集行菴時雨適至以高青邱滿林煙雨聽啼鴉分韻

陳祖范得鴉字

隋京表淮甸由來富文儒  
駸壇與吟社望走歸名區  
風流今誰主扶風二難俱  
藏書傾四庫作賦規三都  
推襟復送抱延賓色歡愉  
茲當盛農月招宴集林間  
急雨應

候至几席紛沾濡催詩乃天意  
霹靂馳神珠高會狎齊盟  
僕孱如莒邾歌詩倘不類  
敝賦胡足輸移晷雨脚收  
深林聞鷓鴣吾輩句亦成  
把盞相歌呼

查祥得啼字

入夏雨澤少仰天望雲霓  
畏熱各畏足斗室同雞栖  
一朝遇折東行厨傍招提  
坐中盡金玉詞壇盛鼓鞀  
相與蔭大樹以次傾玻璃  
烈日纔照屋流汗已至臍  
忽來霹靂聲乃在墻角西  
涼風吹籬根決流走菜畦  
樹頭亦掀舞與風相高低  
快哉各停杯團扇棄不携  
此席例有詩筆硯咸自齎  
各抒今日懷聊備他時稽  
金谷亦偶然西

園倘攀躋祇愁未沾足不得慰耕黎詩成日杲還聽  
午雞啼

胡期恒得滿字

始卦陰始生長日一線短折東召詩朋欣然適子館炎  
蒸氣方熾帽脫衣更袒嘉肴錯雜陳食飽起漱盥清風  
颯然至雷雨忽盈滿頃臯日照廊天青色如卵小麦已  
登場人方憂暵旱茲雨頗及時農功不可緩雖無民社  
責飢溺猶慳款誰將七子詩是日賦詩者七人高吟被弦筦

唐建中得聽字

廣陵佳絕地謝墅竄為勝大樹傳晉代十畝濃陰贖我

友如蔣生樹下開三徑時々招求羊擊鉢共觴詠亦有  
吳越賓同聲自相應頃聞蓮池好雅動入社與其奈述  
孔業談經馬鄭並胡然移講肆去鬧依閑靜由来辭夏  
屋暫避使者乘數武接行菴偷閑期夙訂兩公欣步屨  
解衣縱眺聽黃鸝忽無聲暑氣炊若甑一陰昨始生蘊  
鬱寧遽孕狂言嘲熱客造榜天何勁坐久倏灑然枝頭  
少女迎遠色起油雲滿林昏若暝急陣如翻盆酷吏一  
時屏乃知時雨化惠我不待請酒行誦新篇穆如清風  
贈觴罷雨亦止青天懸皎鏡

程夢星得煙字

梅嶺久寂寞何來兩寓賢行菴若相望駕言籃輿便招  
邀及小子同賦聽雨篇未卜五畝宅寧求二頃田種植  
非我事所欣今有年而况草堂上涼吹炎熇蠲雲重黯  
溝水林密沉炊煙旋聞羣鳥集還見山榴然永日足觴  
詠胡為紛管絃坐待山牕下皎月生蟬娟塵囂耳目外  
於吾何有焉

馬曰瑄得林字

溽暑一陰始梅天氣鬱沉閑携研具出言尋雙樹林清  
影喜密布高軒欣賁臨締衣披乍解竹冠歌不簪談經  
兼說史琅之惟球琳我苦經塵務芸消生白蟬得公如

時雨平疇蘇秧鉞殷之雷車發洒空金玉音既沾蘭茝  
質又潤蓬茅心片刻雖云暫得不歌甘霖茶煙風鑪裊  
濁酒瓦瓶斟熇蒸已全却雅興思難任效彼林中鳥聊  
為說偈吟

馬曰璐得雨字

小築傍招提為愛鴨脚古結夏枕簟宜其他無足取接  
迹諸老宿宵扣林下戶雄辯騁碧雞健筆爭繡席簷端  
潑墨雲空涌忽奔駁似疑江海翻開軒看飛雨爽氣集  
眉睫涼意滿環堵不惟快宴遊頗足樂農圃想見水田  
秧青葱鬱然怒頰更返照明翠滴煙林所清鐘斷續聞

幽鳥間關語舉頭問片雲何有此豪舉知是要新詩翻  
成洗滌暑

一字至七字詩

胡期恒賦談

談池北溪南喧邱里訪僑郊雕龍有技捫蝨無慚天花  
飛點之塵尾拂疹之稷下雄辭廣播雲臺高議相參卿  
相輸人可立致誰能一味解分甘

唐建中賦憶

憶易忘難釋念故人談在昔杳之冥之尋之覓之酒半  
意低迷夢回身反側乍如杜老看雲偶學達摩面壁何

事掀髯忽大笑老年自省少年迹

程夢星賦別

別魂消腸結酒不辭語先咽淒風早吹驪唱重發芳草  
寂無情踈楊猶可折愁看南浦春波夢隔玉關殘雪巴  
山聽雨記他年翦燭西窓共誰說

馬曰琯賦吟

吟古調清音思鬱之意沈之支頤苔徑擁鼻花陰鮑謝  
欣聯句陰何苦用心竅蚓時聞石鼎鳴蟬不斷秋林冥  
搜聲細詩情得只恐星之兩鬢侵

汪玉樞賦遊

韓江雅集卷七  
游選勝探幽蕭寺畔斷橋頭尋梅小蹇問水扁舟五嶽  
懷竒覽三山縱遠眸逍遙不知遠近汗湯無論春秋秉  
燭人生行樂耳每逢佳處一勾留

厲鶚賦禪

禪無住忘筌隨靜坐得安眠不離文字已滿中邊話墮  
沾泥絮心空透水蓮出出世間超絕想非想處悠然何  
須更乞雲山衲釧動花飛結淨緣

方士庶賦望

望天遙野曠花冥之波漾之百尺樓頭數峯江上海日  
自東生雲山多北向雨中春樹含情煙外歸鴻增悵憑

高無處不消魂雙眼斜陽湏一放

王藻賦醉

醉忘憂無事幕花天席月地廣大為鄉沉冥有寄江上  
阻風時堂中滅燭次縛來為盜鄰驚眠處誰疑婦肆百  
年三萬六千場日飲毋何得仙意

方士處賦歌

歌宛轉阿那清興發醉顏酡花閒拍緊月下情多音是  
王郎擅狂同楚客哦激越如聞小海悠揚似唱迴波依  
回幾曲闌干外只有桓伊喚奈何

馬曰璐賦憩

羣江雅集卷七  
三十一  
憩聊休偶詣碧水旁青林際幽興如延冲襟非滯時因  
腰脚疲暫結雲霞契偕遊春寺花留獨往秋山酒泥松  
根寂寞學胡僧雙屩圓蒲真得計

陳章賦夢

夢悠揚飛動驛燈昏蓬雨重恍惚無痕吉祥不忍真仙  
海上俱孤鶴松陰共朝雲巫峽氛氲春草池塘伯仲白  
頭客帳正封侯驚破一聲幽鳥嘆

閔華賦笑

笑非狂豈傲冠纓絕接離倒照水疾生拈花機妙莞爾  
獨成歡粲然有同好送客溪橋已過下筆春山亦肖一

月人生得幾回千金欲買須年少

洪振珂賦病

病郎當伶俖故交疎人事屏因得閑身漸諳藥性常愁  
夜雨深早識秋風勁何當渴似文園竊比瘦於家令支  
頤一枕費沈吟欲學維摩理清淨

陸鍾輝賦嬾

嬾優游蕭散非嵇康學倪瓚報書每遲答客亦罕高卧  
不知晨停餐或至晚堦前積蘚忘除榻上凝塵任滿世  
人見我誤稱高自信非迂亦非緩

張四科賦閑

閑隱几掩關膠擾外睡醒間從天所許與物無患林花  
隨意數逕草底湏刪何處能消白日相看不歎青山清  
時有味知誰識流水孤雲共往還

小玲瓏山館對雪聯句

子月尚暄和陳章丙夜忽淒斂初為雨脚凍屬突作風色  
潛寒柳聲漸沈姚荒燈燄頻颭撒沙響虛牖張積素  
耀危檻被池生蕪隅章枕角冷圭琰曙早起猶怯鶚氣  
巖出未敢庭空亂回旋鈺石怪競妝點緣隙冑若塵燴  
堆檐覆成广禽飢甬難啄章兒戲手頻擊眯目疑復隍  
鶚失足防入坎毀荼多嬾掃鈺惜竹重宜撼飄瞥竟聯

聯燴紛糅方冉々有客船阻歸章相與祛再摻遙思大  
江白鶚但見同雲黯交飛射鶩鶴鈺急陣灑葭莢玉峯  
迴可畫燴銀浪疊誰犯匿影閉空齋章促膝探祕檢宛  
然鶴延望鶚儼爾魚聚摻得酒歡喜生鈺開爐噤痒減  
地主獨能賢燴羈人自多感短景憐崢嶸章長年抱領  
顛斲冰待過淞鶚鼓柁擬入剡何當問郵籤鈺陽鳥放  
朝岳燴

看山樓雪月聯句

雪初晴月復清屬氣曩負光晶瑩陳登層樓暢幽情姚  
鈺炙冰硯温酒鐺馬曰澄萬象增雙明馬曰廣寒府白



玉京鷲竹聲瀉松影橫章籟既寐思已盈鈺剪殘燭戀

深更瑄曰歲云晏志合并璐曰

韓江雅集卷七

韓江雅集卷八

集補齋先生寓齋詠庭中老桂

胡期恒

小山無雜樹藪桂自成羣碧葉全承露蒼枝半拂雲  
子從天際落根自月中分待到清秋日幽香滿院聞

唐建中

桂樹老於椿八千才一春來從廣寒月留待小山入利  
涉不為棹大烹寧作薪乃知君子德永與雪霜親

劉師恕

醜石為同伴枯杉是一家霜餘留病葉秋老只踈花偃

東坡先生集卷之八  
一  
蹇對吟客婆娑窺碧紗自經題詠後景色一時加

王文充

樂闌矜絕艷誰復愛幽閑老桂忽分詠秋風許共攀影  
曾森皓霸老更傍孱顏忝繼羣公後閑情戀小山

程夢星

避地三年客還分一徑幽誰將天上種散作小山秋開  
處領禪味攀時感昔遊淮南此招隱吾道合淹留

馬曰瑄

團：青桂樹偃蹇傍山幽嫩葉經時換秋香一院收風  
塵寧易識詩卷定長留只有星辰並金波淡影浮

厲鶚

愛此連蜷榦相依石丈尊清虛傳舊種雨露託孤根閱  
世吹香遍經春放葉繁詩人頌嘉樹長見照芳尊

王藻

高館如山靜連蜷桂葉濃無心荅桃李有槩伍筠松古  
本聯珠舊仙枝擢玉重前身金粟似隨意閱春冬

馬曰璐

桂樹何年種連蜷白石傍影踈羣木讓香晚一輪涼散  
帙幕終古結言成老蒼幾時秋有信餘馥滿巖廊

陳章

老樹三春後新陰一院涼露垂光疑月上影蒼  
月閱  
吐瞻喬木留人話晚香秋風重把盞金粟映簾黃

閔華

天上曾分種淮南近作隣是香多麗月有蕊不驕春愈  
老如敦復用宋史初芳似却詵連蜷深樹底可以宴嘉賓

山館坐雨以雨檻卧花叢風床展書卷分韻

程士械得書字

夏雨淨叢綠涼潤襲衣裾苔影上踈檻桐花落幽廬恣  
談有名嶽縱目饒竒書澹然謝塵事冥心契古初

高翔得檻字

山館閉深巷足踐苔痕減暑風灑涼雨石骨青嶼嶼花  
歌淡暮煙竹密濕倚檻接膝得同岑塵情不我犯

馬曰瑄得卷字

中夏積雨滋青苔閔庭院生衣着體涼檐溜當窓濺嗟  
予半載餘不復理殘卷欣茲良友過幽懷殊眷々

馬曰璐得展字

山窓暑雨多積抱無由展故人茗上來重踏舊苔蘚煙  
沈花動搖林暗鳥現睨深情託酒杯惆悵日易晚

陳章得花字

暑雨欲三日祇疑秋滿家廊鳴青箬葉徑糝紅薇花帙

散書千卷入來天一涯意田來尊前語儔侶應不賦兼葭

姚士鈺得叢字

連陰甚暑雨良會欣相同依然文字窓疑在菰蒲叢客愁聽易起炎景坐來空弗因一尊酒何以慰飄蓬

閔華得卧字

曉聞林鳩聲喚我山館過青々荷葉幡磊々梅子墮當風滌煩襟對雨耐清坐轉笈戎葵花狼藉苔階卧

陸鍾輝得雨字

塵耳久聽瑩愛此幽墅雨初如擊筑鳴漸作流泉聚倏

爾變涼燠悠然忘客主彷彿泛煙波惟欠一枝艣

一字至七字詩

胡期恒賦蓼

蓼清池曲沼花輕紅葉淺縹映月黯澹隨風繚繞梗斷珊瑚碎顆墜珍珠小祗容岸畔游魚不着湖邊棲鳥洞庭秋水濶連天漁唱一聲歌嫋々

唐建中賦桐

桐嘉木芳叢封唐叔樹衛宮露引枝上月照懷中微雲滴踈雨濃綠寫薰風矯々松心竹節羅々外直中通嶧陽且莫誇琴瑟留與鳳凰棲宿同

劉師恕賦蘇

蘇綠堆青行緣清溪上孤巘錦繡橫鋪雲霞碎翦細雨  
秋深深落花春襯淺閑門鳥跡常多靜室車塵自遠竹  
裏微茫一途通詩客琴僧暫來踐

程夢星賦篠

篠無花非草愛煙籠宜月皎直節常標虛中自抱不問  
客還來有時風為掃生梢未必干雲密葉尚堪棲鳥但  
令免俗瘦何妨一日此君那可少

馬曰琯賦蘋

蘋帶荇依蓴楚江畔南澗濱芳曾作薦潔可娛賓清淺

九衢綠參差十字新風約半池入夜魚吹兩岸初晨柳  
暉當年騎馬處汀洲三月玉湖春

厲鶚賦蕉

蕉大葉靈苗遮石角出墻腰綠窓影借碧簟痕描入夢  
涼如覆臨書墨未消風旆三更自語秋心一卷無聊畫  
師若遇王摩詰雪裏依然學後彫

馬曰璐賦荷

荷貼水凌波邀越女妬湘娥花紅似錦葉碧如羅風裳  
秋思遠離緒斷絲多太華峯頭堪憶臨平山下曾過雨  
中留得鴛鴦宿樂府重翻相府歌

陳章賦蓴

蓴葉嫩絲勻牽泖上點湖滑青浮雉尾紫映魚鱗采  
搖煙榜依々礙釣緡鄉夢三秋自遠羹材千里稱珍莫  
話垂虹亭下路涼風愁殺未歸人

閔華賦蒲

蒲宿鷺眠鳧生九節傍重湖青々可拔獵々難扶因依  
唯澤稗相識是秋菰展帶偏宜翠嫩織帆要待風枯僂  
船一夜閑聽雨跳碎踈棗萬斛珠

解秋次元微之韻

姚世鈺得第一首韻

夏衣渡江來忽覺單袂輕薄寒中病體鄉思緣秋生杜  
悉書數帙韓白鬢兩莖古今猶有恨客感休潛萌

馬曰璐得第二首韻

霜風肅萬象健翻來蒼鷹少年務百中遲鈍在所懲相  
憐劇夔蛇變化成鯤鵬吾心無一物誰與吾爭能

唐建中得第三首韻

朝夕弄藥衷心不思醉鄉出入倚藜杖足難履周行因  
病得閑適如渴飲元霜次第數秋色又對菊花黃

胡期恒得第四首韻

金伏四十日今年中伏二十日愆陽驕且多對食不能餐奈此

炎官何西風忽吹帽雲容淡秋羅仰觀天宇淨聊得慰  
蹉跎

王文充得第五首韻

秋空叫雁過輕颺掃微雲碧翁絢爛極為此平淡文亦  
復有濃艷霜林赭如焚停車坐相對何處嬰塵氛

馬曰琯得第六首韻

綠姿愁霜蕉清韻憐風竹無何秋又來一晌羊胛熟斷  
酒已經年忍見車上麴空餘數卷書占得窠閑局

劉師恕得第七首韻

羸軀授衣早簷下秋風落幽意入寒蟲孤情結霜萼古

來達者心此時常作惡洞裏顏難駐籬邊酒可索

程夢星得第八首韻

嬉春難挽春悲秋寧辭秋漉酒香盈巾挿菊黃滿頭笑  
彼苦形役觸處多懷憂不如山谷法安樂踞四休

閔華得第九首韻

秋苔及我榻視之為重茵秋雲覆我窓等之如浮塵采  
擷園中葵侍奉堂上親隨分貧亦樂大笑悲秋人

陳章得第十首韻

不坐黃蘗禪不燒丹竈煙秋風入兩鬢那得免蒼然且  
與泛菊酒可以延頽年宋玉非豪士一賦落言詮

天寧寺僧房看掃葉以開門落葉深分韻

程士械得開字

掃葉復掃葉風來聚復開  
從教積黃雪慎勿損青苔  
煮茗留成片炊杭貯作堆  
老僧勤愛惜持帚日徘徊

馬曰琯得葉字

寒雲滂不流入門  
迢迢摺愛煎石鼎  
茶迅掃瓦溝  
葉寸寸露魚鱗  
層之飛蛺蝶于此悟無生  
歸根經幾劫

厲鷄得深字

開房黃葉滿行迹  
重來尋雙帚開還合  
千林積已深  
遙思天竺路竟擁石泉心  
踏雪期煨芋因成冷淡吟

馬曰璐得落字

晷短序崢嶸天寒境寥落  
經窓久不來黃葉任堆却  
吟殘茶煙青帚過雨聲作掃  
葉兼掃塵心源為疏淪

陳章得門字

霜葉落行盡僧雛方掃門  
纔看除砌上漸見擁籬根  
聽雨閉窓寂添薪石鼎喧  
昏鐘人獨立物理悟歸元

題紙窓竹屋圖

程夢星

落日窓轉明印竹影亦綠  
把卷知有人吟聲出寒屋

程士械



寒禽已定棲凍鶴初歛翅紙窓中有人青燈照忘寐孤  
吟雜雪聲微風響竹翠開圖值此時迥絕塵間事我欲  
偕幽人靜說歲寒味

馬曰琯

琅之高詠一燈深破帽遮頭冷不禁雪後從來得奇境  
幽篁瘦鶴兩知音

厲鷄

地爐茶熟硯生冰風味渾如過臘僧我是江湖舊行客  
十年孤負一窓燈

方士庶

老屋蕭々夜誰為不寐人耐寒孤鶴伴無語一燈親對  
影憐形瘦繙書任手龜遙知窓外竹風雪轉嶙峋

王藻

展卷意無限悠然感歲華寒燈明竹隲一鶴守梅花元  
晏先生宅孤山處士家今宵風景似境趣兩幽遐

方士虔

蕭々竹樹暗疏櫺煖戀寒檀戶半扃急雪灑空羣籟寂  
嚴威侵夜一鐙青書延倦眼臨髯几火爇微香出瓦竝  
要識此時閑意趣只如老衲坐繙經

馬曰璐

空庭歲晏人靜  
叢竹窓虛  
夜分隱几  
時過飢鶴  
篝燈獨  
夢寒雲

陳章

山空歲云晏  
風雪閉柴局  
老樹半身白  
寒燈一豆青  
無人能載酒  
有味是溫經  
凍鶴時移步  
依々入短屏

姚世鈺

凍雲壓屋冷  
吟身寒夜迢々  
客夢頻想見  
故園窓下語  
一燈風雪待  
歸人

閔華

風雨歲行盡  
此中方晏如  
竹聲雙戶掩  
燈影一窓虛  
已

得無聊味仍繙  
未見書寂寥  
吾輩在珍重  
惜三餘

洪振珂

蕭瑟近深更  
虛堂雪意成  
燈搖閑處影  
竹偃靜中聲  
冷韻輸孤鶴  
清吟遣薄醪  
可知佳趣永  
莫負歲寒盟

陸鍾輝

急雪灑窓紙  
折竹時聞聲  
寒吟坐孤館  
鶴與人俱清  
寂寥書有味  
冷淡心寡營  
瘦影一燈共  
歲序方崢嶸

張四科

披圖得佳趣  
竹屋夜寒凝  
門外數峯雪  
燈前一研冰  
有人清似鶴  
此味澹于僧  
好是殘年况  
儵然我亦曾

七峯草亭逢雪以張伯雨山留待伴雪春禁隔  
年花分韻

胡期恒得春字

虛亭終日閉幽境無與鄰惟有百竿竹森々高出塵今  
年節候正雨去聲雪宜及辰重陰已凝沍七峯更嶙峋林  
深未飄粉徑淨堪融銀龍公待試手散作無邊春

程夢星得隔字

小亭隱竹中看雪記往昔欲訪袁安居復試阮孚屐風  
亂衆禽喧雲同斜照隔點梢微有聲著葉未留跡今年  
早作寒至後須再白矯首望年豐兆瑞若可獲

馬曰瑄得伴字

一白凝臘前風花互零亂戶堦絮減温井凍晨不爨篝  
燈携硯具忍寒據吟案今朝草亭中嵇阮重得伴爐熏  
映竹橫茶煙逢石斷起聽凍雀喧行復出新翫

王藻得雪字

凍雲如墨凝至後氣淒結愛此竹外亭苔石轉清絕朝  
來數屐停共待一林雪瑤臺萬玉妃幢節佇飄瞥豫想  
灑枝間碎響亂環玦酒至吾弗辭宵深敵衾錢

方士虔得待字

繞屋風颭々壑檐雲變々頗愛亭前竹歲寒色不改想

見雪落時萬翠綴珠琲  
巡階一引領白戰尚有待  
坐久忽小霽欲去恐後悔  
陰晴不可期憑誰問真宰

馬曰璐得禁字

今年寒事早至前雪已甚  
朝來雪意成又復促清吟  
亭虛雲半凝樹禿鳥全噤  
只有數竿竹蕭々力先任  
驅寒酒何功分詩體必禁  
夜深風裊燈開戶首一闖

陳章得留字

凍雲白顥々風竹青修々  
山鵲踏低枝對立語清幽  
孤亭中有人看雪曾此留  
竒景想重攬妙句愁冥搜  
把酒問龍公玉花再試不  
凝眸看浩蕩醉擁鹿皮裘

閔華得山字

短景正淒厲雪意蒼茫間  
對此草亭靜况值人事閑  
掃煎若有待吟望難為還  
譬之結素侶未至心先扳  
坐深衣似水瘦聳肩成山  
玉妃來何遲風竹聲珊珊

陸鍾輝得花字

山石凍未釋雀豹集檐牙  
天公佇玉戲四面同雲遮  
北風聲拉颯剪水將成花  
小亭生畫靜險韻分尖义  
但聞竹蕭々不聞人語譁  
何當見三白豐稔兆歲華

張四科得年字

朝雨不成雪々意凝遙天  
駕言造竹所蕭瑟棲寒煙  
微

温戀石鼎峭寒侵坐瓊恍若有所期崢嶸感殘年惟聞  
風動竹四顧聲翛然開門忽失咲淡月照屋山

分詠銷寒故事以題中字為韻

胡期恒得宋子京修唐書

內翰擅風流宮中呼小宋英資適逢丑館閣遭柄用性  
既慕豪華材不勝梁棟錦繡列幕帟姬姜儼侍從可惜  
舊唐書改竄未為中史中應兩列庶不失輕重

唐建中得高太素商山白醉

商山禦冬銘隨時得妙策酒無通夜力欲曙寒偏劇醒  
眼看山窓日已荒之白攬衣推閣出負簷背可炙何須

飲卯酒温暖如醇醪我欲獻天子以表臣心赤

程夢星得王龍標旗亭畫壁

唐人重詩歌往々播樂籍貫酒旗亭中各以詩畫壁拊  
唱首龍標次及達夫適冰心玉顏句本自擅高格黃河  
遠上篇渙之亦偶獲雙鬢妙發聲應為知己惜

汪玉樞得王摩詰華子岡

右丞居藍田近臘氣暢和夜陟華子岡清景紛駢羅寒  
月遠映郭元灞靜不波龕燈聞犬吠蕭然似維摩鼎鉉  
讓難弟感慨秋槐多裁書邀素侶寄與黃檗馱

厲鶚得呂微之米桶有人

處士家空山何來竹戶叩米桶忽聞聲乃是無襦婦向  
時寒齒擊突出祭花手語洗草木慚義却升斗受既用  
食為衣不妨魚換酒踈梅晴雪閒偕隱此良友

王藻得李太白宫娥呵牙管

謫仙在御前草制值晷短天寒勅嬪嬙屏立呵象管絳  
唇籠冰毫墨帶香脂煖御手親調羹遜此榮遇罕想見  
衣不船至尊任蕭散何止沉香亭硯外名花滿

陳章得蘓東坡冬夜遊承天寺

蘓仙神骨清夜寒不能寐打門得友生携手入古寺月  
影繪竹栢參差浮滿地枝々營邱心葉々蕭郎意俯仰

身世忘積水聊相擬二老此風流寂寞更誰繼

姚奩鈺得石虎焦龍湯池

消寒拾遺事禍水記鄴宮鑿池擬溫泉執熱投銅龍靚  
妝千騎女出浴如春融餘香滌溝渠流脂露村農盍學  
佛圖澄洗胃開心宵都忘橋柱下倏致滅頂凶

洪振珂得僧惟政荻花毬

山深寒到骨韻事歸枯僧江岸掃荻花一團雲影凝用  
以衛雙足不慕纊與繒茸々雪色淨煦々春氣蒸竒溫  
宵自秘每共方外朋豈知門外路樵子行蹋冰

陸鍾輝得范石湖頌炭

風流石湖仙請老居石湖清閑壽櫟堂狨座依龕蒲裊  
老怯山寒說虎開深爐竒温不灰木頌德良非誣平生  
使燕山攬轡水在鬚功成身亦退乃足三冬娛

張四科得周憲王送雪

同雲幕丹墀一夜玉塵凍風光朱邸新嬪御競搏弄盛  
以煖金合戚里紛遺送流傳到人間慶賞開臘甕賢王  
好事家新詩更吟諷比類憶囊雲此段堪伯仲

簷冰

張世進

春後飄殘五出花流澌新結滿簷牙隔窓玉筍千行落

當戶晶簾半額遮向日稍聞聲浙瀝隨風輕裊尾歌斜  
阿環韻事今偷學自擊瓊枝供煮茶

馬曰璐

盈尺琅玕頃刻成不論斜桷與雕甍排空鵝管夜深合  
墮地玉釵時一聲明月樓高增異負水晶簾近覺崢嶸  
何如茅屋東風底滴入春泥助早耕

陳章

雪屋初融日復陰排簷丁倒白森々東南仙洞懸鐘乳  
十八風姨挂玉簪豈屬盈盤凌室掌不驚綴樹達官心  
擁爐閒寂垂簾坐愛聽鏗然落地音

閔華

昨夜紛飛雨雪并  
輕澌承露結初成  
乍驚玉筍垂空影  
忽聽瓊籤墮地聲  
豈有清銜同學士  
敢將竒句鬥狂生  
忍寒一霎推窓坐  
錯擬風簾挂水晶

張四科

昨夜凝寒雨雪皆  
瓦溝冰柱一行排  
海風吹斷夢絲瀑  
水玉雕成折股釵  
側睨冷光垂半戶  
靜聞鏗響墮空階  
祇愁暖日消融後  
狼藉春泥污筍鞵

送團冠霞入都

胡期恒

春寒纔欲減花蕊  
漸生香送客情無  
限懷人路阻長風  
雲增意氣鞍馬有  
輝光側席求賢久  
行看入廟廊

程夢星

躑躅鑿江子才高  
遇賞難豈甘終幕  
府未許薄儒官別  
思春蕪動遙情候  
夜寒不須愁日暮  
且放酒杯寬

馬曰琯

白沙詩格好風骨  
更蕭蕭縞帶交期  
晚梅花驛路遙雁  
和人作伴書借酒  
頻澆好向丁沽去  
離情問柳條

汪玉樞

握手初逢處文章  
誼自真聊將春社  
酒相送遠行人淮



泗河聲壯青徐嶽色新燕山在天際入望軟紅塵

方士庶

晤別即今朝園林雪正消一尊離思滿千里客程遙黃  
篋江南舫紅闌趙北橋知君到京國未及柳絲飄

張世進

大別山前路遊踪憶昔同江湖一尊後聚散十年中重  
喜拈春碧旋看踏軟紅歡愁并此夕執手意無窮

方士庶

京國傳芳譽儒林仰異才人從江上去帆向日邊開白  
社聊同醉黃金舊有臺河橋新柳色相送幾徘徊

馬曰璐

襆被三千里琴書兩束輕津門還錄別邦水是初程把  
酒折煙柳停舟聽早鶯春風詩句好高傍使星明

陳章

逢君纔幾日別我欲經年後會知何處相思定惘然寒  
梅分酒白春月上船圓到及丁沽市河豚荻筍鮮

團昇

舊識行菴地深依晉樹庭風前初接席雪後復揚舲水  
過淮徐急山連齊魯青離筵今夕酒嘿々感蓬萍

閔華

隔年纔握手此地又分襟白髮幾回別清尊十載心淮  
流春浩々江樹暮沉々送子燕山去風前思不任冠客秋霞  
返自楚中讌會于此

洪振珂

話舊十年過征途別又新野雲遮去路江樹隔通津暫  
飲淮南酒旋衝冀北塵故人如見問莫道久沉淪

陸鍾輝

纔返西湖棹征鞍又北遊去年逢舊雨此日起新愁酒  
旆春橋遠奚囊好句收漫言今夕別燈月足勾留

張四科

聞君聲籍甚百里隔煙波忽喜聯吟社奚堪發棹歌看  
雲上青嶽計日渡黃河遙憶停帆處津門柳色多

二月廿三日集績學堂食甜漿粥

胡期恒

君不見洛陽寒食伊川曲士女丰昌車壑軸湔裙被襖  
晚歸來纖々捧玉桃花粥又不見吳市簫聲二月天珠  
簾畫舫繫門前粥香錫白調金碗隔岸飛花到綺筵中  
州風景當年客江南遊興今陳迹竭來邦上汲江濤細  
揀長腰炊釜鬲南山種豆真珠圓肌皮細膩白而鮮一  
更浸水五更磨消々漿出如流泉兩美必合天然好折

東邀賓馭及郊入口甘芳真味長舉家食粥寧辭飽

程夢星

君不見金鑿坡下車停軸口香曾賜防風粥何似宮中  
啖餅時沾衣拭汗何平叔又不見寒食江南三月春桃  
花冷粥餽鄉人但願乞鄰比虞集底須善釀誇汪倫先  
生閑情自高寄如飲醇醪已心醉偶然試效煮粥方彷彿  
燕京舊滋味於今江湖十載藏菰蘆招邀徃々興不  
孤前年作羹調玉糝薯甘芋滑凝瓊酥竭來重到題詩  
處躡月欲歸留更住晨炊宴起情所便不夢天街騎馬  
去

馬曰琯

晨起空齋初罷沐蕭騷短髮驚新禿饑腸不耐混糴腥  
結隊城南食豆粥城南方法傳燕京試炊瓦釜甘而清  
漉之礮之澄漉淨一盂靈殖疑通精我謂淮南非妙術  
水中作乳猶存質何似長腰共作糜和肝益胃能消疾  
此味吾儒昔所諳直將風味結僑鄰淡交真意差堪匹  
貝葉經幢未許參前行菴僧亦作豆漿粥而法未精膏面油々渾似玉  
盛以冰甌招近局底須寒食餽桃花日々加餐良已足

張世進

五侯之鯖大官饈適意人生誰不願世間真味知者誰

自昔珍羞讓藜藿先生拂袖非江鄉鼎食鐘鳴境久忘  
獨有糜餽憶京國特將方法授廚娘市兒屑豆初成乳  
挈來旋攪長腰煮芳香儼似合根源玉色何從分爾汝  
今晨會食高堂中春寒頓覺回融豈如古寺斷齋梗  
那羨左掖餐防風養老何須定梁肉徒勞鯁咽從旁祝  
但須食粥致神仙劔南有句吾曾讀

方士處

饌玉炊金窮水陸一飽須臾厭梁肉真味人間菽粟長  
飢者腹充寒者燠主人為客飭中廚作糜屑豆供朝舖  
香杭適口豆漿滑欣然飽飫清而腴憶廿年前在京洛

呼童入市分瓢勺劇憐風味尚依稀重尋舊跡迴頭錯  
糖霜未必勝齏鹽致仙亦有張文潛何似先生薄滋味  
但覺舌本如蜜甜幾日江城寒食節錫簫吹偏花凝雪  
綺筵春暖聽流鶯杏酪分香更同啜

馬曰璐

潔如水液甘如蔗金谷滹沱出其下疑是淮南未授方  
米豆精英秉元化會食何煩選食單凌晨入座春風寒  
炊煙一縷上林翠不愁轅金聲將殘余最纔嘗一口得  
真味清沁心脾淡歸胃直可憑虛達帝臺不數人間酥  
酪貴為言此粥仿京師幾載緇塵染素衣歸來傳得養

老訣方法試為君試之我惟年來嗽菽乳食蓼而甘食  
蜜苦感公召食為公歌飽腹便之日卓午

陳章

胡公歸老薄滋味禁鬱侯鯖徒爾貴不教甘脆漫腐腸  
只愛淖糜能養胃屑豆為漿米如玉煮出沙瓶聞隔屋  
泛膏方法自燕京但恐吳娘葱指縮侵晨折簡喚客嘗  
百花釀蜜清露光已知山芋應輸滑未識防風作底香  
笑我萍踪為餬口說餅鬥茶時亦有屠沽酒肉世豈稀  
淡成寧就山林友渠益連舉春寒支風馳雨驟不須匙  
濡毫免寫平原帖捫腹聊追坡老詩

閔華

畫粥之味老益耽瀝得菽乳清而甘方法定知傳冀北  
調和略變似淮南今晨餉客雙弓米一盞盛米色香美  
飽飫但覺挂空腹痛啜底須愁折齒廚娘續之費烹煎  
更飭春蔬佐小筵由来暈碧裁紅手不負粥香飴白天  
劇憐我老江鄉住要知此味無嘗處也如作客憶蓴鱸  
騎驢何日京師去

過玲瓏山館看玉蘭花

馬曰琯

滿徑晴雲滿架書故人携手到堦除忘機得似知交少

見鏡誰知髣髴髮踈樓上看山情爽々花前分韻意徐々  
吟成兩樹開如玉不負春風二月初

方士庶

無定游蹤未老身與君且喜是閑人相逢春色濃于酒  
更對高花白似銀樓外好山遙點黛座中芳草細鋪茵  
殷勤照我如霜髣猶有天東月一輪

方士庶

兼旬不到故人家一筴相逢感物華林下錦苞初迸笋  
風前玉碾窠高花春光老至應須惜幽逕閑來亦自嘉  
况共題詩拈茗椀石邊吟坐日西斜

閔華

春半園林畫不成樓臺掩映窠分明石邊垂柳含朝雨  
屋角高花破午晴山館幾人同藉草江城二月已聞鶯  
不知拄杖探幽客西澗中峯何處行竹町南圻遊攝山未返

采蘋曲 有序

白蘋以吳興得名好事者徃々扁舟遠致移  
種盆池間競相賞詠頃有采自揚子津者重  
跗累萼狀如白蓮與吳興所產正同乃知蘋  
花不遇柳文暢其人則至今猶沉淪於荒江  
寂寞之濱矣因作采蘋曲以紀其事

程夢星

越江女兒如花新  
邗江蘋花采無人  
扁舟蕩槳向何處  
落日秋風揚子津  
采采含香葉  
青數莖分種  
潯南亭五塘  
煙雨菰蘆外  
將有人疑柳惺汀

馬曰琯

江頭江水清瀾瀾  
蘋葉平鋪三十里  
翠帶牽絲一丈長  
涵煙浥露空披猖  
吳興高士蓮莊客  
携得白蘋香  
繞席重跼累萼擬芙蓉  
作賦題詩故惱公  
前槩後槩尋不歇  
九衢一望開如雪  
纔識揚州有此花  
不遇詞人枉自嗟

采采猶恐根不活  
曲沼還傳栽種訣  
準擬看花日幾巡  
朗吟日暮江南春  
誰知一見花開後  
愁殺蕭齋白髮人

方士庶

采白蘋花冥冥菰蘆岸  
煙水汀吳興吟客風流在  
只少波光卞山黛  
采蘋處江悠々三尺篠  
七尺舟揚子津頭清似玉  
日暮承筐將一束  
采蘋歸香翻々翠盤舞  
雪花飛畫盆注水清且淺  
采蘋之歌々宛轉

方士庶

江上魚苗風乍起吹綻白蘋滿煙水未知何處着扁舟  
淺涉汀洲向揚子采花采葉兼采根種向蕭齋老瓦盆  
也如清遠溪山裏柳惺風流今尚存

馬曰璐

采蘋采蘋揚子津蝴蝶飛々愁煞人莫怪深根難離水  
江南日落已非春  
自汲清泉自起栽花開嘗恐野鷗猜從今欲問汀洲客  
宵為蘋花更一來

陳章

吳女采蘋花江南復江北不恨無人采但惜無人識

汎々渡黃灣搖々出瓜洲簪將雲髻去應認玉搔頭  
蔓似儂情柔花似儂心素倚舷思故溪悠然遠山暮

姚世鈺

舊種江南春千里同臭味江北新花鮮將無棄蕉萃  
采蘋兼采蓮輕橈遍洲渚好似蓮花貌不比蓮心苦  
寐々菴江上芳名一日增莫嫌生較晚猶識柳吳興

閔華

白蘋開處煙光凝白蘋斂處波光澄豈少名花在洲渚  
祇無人賞似吳興  
可憐日暮江南春采蘋采蘋揚子津只恐他時遍池館



扁舟尋訪更無人

陸鍾輝

載得江頭一棹輕蘋花蘋葉帶青莖若教洲上無人識  
合讓吳興獨擅名

久甘寂寞老江濱不令漁郎一問津待得家三種池沼  
花開花落轉愁人

張四科

儂家水調歌新翻采蘋曲落日揚子津無人花似玉  
清江蘋花肥濁水蘋花稀鼓柁向清江濁水性所違  
祇采白蘋花莫采青蘋葉南風吹舡回不得到茗雪

江頭春日永水暎似汀洲不逢采香客開落又經秋

韓江雅集八卷終



